



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

04 Abril 2014

Prezidente Tribunál Rekursu husu JSMP halo akompañamentu diak liu ba ba Setór Justisa

Iha 03 Abril 2014, Ekipa JSMP (*Judicial System Monitoring Programa*) hasoru malu ho Prezidente Tribunál Rekursu, Meritíssimo Dr. Guilhermino da Silva iha nia servisu fatin. Enkontru ne'e ho agenda prinsipal mak kongratula Prezidente Tribunál Rekursu ba pozisaun foun ne'ebé nia asume, JSMP aproveita atu deskuti kestaun prinsipal balun ne'ebé JSMP hetan husu rezultadu monitorizasaun JSMP nian. Ne'e inkui propoin atu hari'i mekanisme komunikasaun no asesibilidade ne'ebé disponível ba públiku atu asesu ba atividade Tribunál Rekursu, desizaun sira no andamentu prosesu sira. Proposta ne'e JSMP apresenta tanba hetan lamentasaun barak husi comunidade relasiona asesu públiku ne'ebé limitadu tebes ba Tribunál Rekursu.

“Audiénsia ne'e nu'udar pasu importante ida ba JSMP hodi introdus JSMP nia knaar ba Prezidente Tribunál Rekursu foun relasiona ho deskobrementu sira JSMP nianha sistema judisiáriu no kontinua diskuti possibilidade atu envolve juízes sira iha atividade sira JSMP iha futuru,” dehan Luis de Oliveira Sampaio, Diretór Ezektivu JSMP.

Durante audiénsia ne'e, JSMP subliña importânsia kontinuasaun politika formasaun iha Centru Formasaun Judisiáriu (CFJ) no formasaun ba advokasia privadu inklui oinsá hari'i mekanismu ne'ebé disponível lisensiadu sira atu kompete no partisipa.

Iha parte seluk Prezidente Tribunál Rekursu mós esplika katak relasiona kestaun kona-ba estatistika kazu no asesibilidade públiku ba dokumentu sira inklui desizaun ka deliberasaun sira Tribunál Rekursu nian, Prezidente Tribunál Rekursu dehan katak laiha regra ruma mak atu obriga tribunál hodi públika kona-ba desizaun sira ba públiku. Maibé ne'e depende deit ba pedidu ruma husi instituisaun relevantes, ka mídia sira, tribunál bele fó sai asuntu jerál sira kona-ba kazu ruma.

Prezidente Tribunál Rekursu haktuir katak kestaun lamentasaun públiku kona-ba desizaun sira ne'ebé dalabarak la too ba parte sira, ne'e servisu advogadu/defensór sira nian atu komunika ho sira nia kliente, relasiona ho andamentu prosesu no nia konkluziun kona-ba kazu ne'ebé sira reprezenta.

Nune'e mós kona-ba formasaun iha CFJ, Prezidente Tribunál Rekursu sei lori asuntu ne'e ba Ministériu Justisa ne'ebé mak iha kompetensia liu atu konsidera.

Prezidente Tribunál Rekursu mós husu ba JSMP atu akompaña diak liu tan setór justisa nune'e bele hadia diak liu tan setór justisa nia funsionamentu no husu JSMP atu partisipa iha treinamentu sira ne'ebé organiza ho termu kurtu-prazu sira.

Audiénsia ne'e remata hodi entrega públikasaun sira JSMP nian hanesan; Relatóriu Anual Observsaun Jerál Setór Justisa 2012, Relatóriu Anual Observasaun Parlamentu Nasionál no relatóriu temátiku kona-ba Lei Kontra Violénsia Doméstika: Tinan Tolu nia Implementasaun no dezafiu ba Prezidente Tribunál Rekursu.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883